



KOMUNIKADO PA PRENSA

Fecha

4 di novèmber 2013

Account Manager

Jhanirha Anita

Email

jhanirha.anita@gobiernu.cw

Nr.

MINISTER BALBORDA HUNTU KU SERVISIO PA OBRA PÚBLIKO TA INVENTARISÁ I TA TUMA PASONAN KONTRA MOLÈSTER DI ÁWASERU

Willemstad – Minister Earl Albordá, huntu ku gerensia di Servisio pa Obra Públiko a reuni trempan awe mainta pa inventarisá unda tabata tin nesesidat di asistensia debi na molèster di áwaseru di den fin di siman.

Despues di e yobida fuerte di djasabra pa djadumingu, Servisio pa Obra Públiko a risibí hopi informashon tokante di diferente sitio ku tabatin molèster komo resultado di áwaseru.

For di djadumingu Servisio pa Obra Públiko, den kolaborashon ku Selikor, Kuerpo di Bombero di Kòrsou i Kuerpo Polisial di Kòrsou, a tuma kontakto i mobilisá diferente kontratista pa kuminsá ku trabou di limpiesa den e diferente barionan. Entre otro a duna instrukshon pa atendé ku Koraal Specht, Muizenberg i Saliña.

Entre otro a limpia tambe e kaya sentral den Wishi/Marchena. Tambe a pone bakinan pa kolekta shushi disponibel pa atendé ku palunan ku a kai den Monte Carmelo.

Huntu ku Ministerio di Finansa a tuma e pasonan nesesario pa por a apoderá di fondonan di emergensia. A reservá un montante pa atendé ku tur eventualidat ku lo por surgi entre aworaki i fin di aña.

Pueblo por keda trankil, ya ku Minister Albordá huntu ku gerensia di Servisio pa Obra Públiko tin e situashon kontrolá.

Pa kualke pregunta, remarke i/of sugerensia por e-mail nos na info.vvrp@gobiernu.cw i tambe por sigui e último desaroyonan di Minister Albordá via di su página di Facebook 'Earl W. Albordá, Minister VVRP'.